

L'IRÒVAL

I 25 AGNS DE FACOLTÂT DI MEDISINE E CHIRURGJE

La facultât che e jere stade il prin obietif dal Comitât pe Universitât e à cumplît un cuart di secul dedicât ae didatiche, ricercje e assistance al servizi dal Friûl

Il sium di Petracco al è diventât grant

Ma la crisi ore presinte e riscje di tornâ meti in discussion dut

La facultât di Medisine e chirurgie de Universitât di Udin e fâs 25 agns. Un cuart di secul di ativitât didatiche, di ricercje e assistance che a son stâts visâts intune cerimonie che si è tignude ai 26 di Otubar stâts e che e je stade la ocasion par fâ un belanç e prefigurâ lis sfidis futuris de facultât, ma ancje des professions di miedi e de aree sanitarie a cheste colegadis.

«La facultât di Medisine e chirurgie di Udin – al dis il preside Massimo Bazzocchi – e nas prime in Italie a numar programât cul obietif di diventâ une facultât model par une didatiche moderne e inovative». Partint in cheste fate, «e à vuadagnât intai prins dis agns dal gnûf deceni il primât prestigjôs di prime facultât di Italie par ben vot agns». Cumò, al evidenzie Bazzocchi, «e mantien inte classifiche Censis la triple AAA, ma par cetant timp? La crisi economiche e il bloc dal turn over a son daûr a meti a dure prove dure il nestri sisteme che al sofrîs de pierdite di docents di ecelence che no puedin jessi rimplaçâts». Il preside si apele duncje «a dute la comunitât par identificâ lis soluzions plui idoniis par preservâ chel ben prezios che la comunitât furlane e à tant volût intal resint passât».

La facultât

La propueste formative de facultât si articole su 15 cors di studi. Di là de lauree magjistrâl a

cicli unic in Medisine e chirurgie, a son 9 cors di lauree trienâl, chei in Biotecnologjiiis (interfacoltât

cazion professionâl (interfacoltât cun Siencis de formazion); Fisioterapia; Infermieristiche (cun sede a Udin e Pordenon); Ostetricie; Tecnichis di laboratori biomedic; Tecnichis di radiologjie mediche par immaginiis e radioterapia; Tecnichis de prevenzion intal ambient e intai lûcs di lavôr (interateneu cun Trieste). Cinc i cors di lauree magjistrâl: Biotecnologjiiis sanitariis, Siencis de prevenzion e Siencis de riabilitazion (ducj i doi interateneu cun Trieste), Siene dai

sports, Formazion al insegnament des Siencis motoriiis e sportivis inte scuele secondarie di II grât. La facultât, che i fasin riferiment 2 dipartiments, e pues ancje contâ su 28 Scuclis di specializazion, doi dottorâts di ricercje e un master internazionâl.

I numars

I students, ai 31 di Lui dal 2011, a son 2087. 594 dal cors di lauree magjistrâl a cicli unic in Medisine e chirurgie. De sò nassite a vuè la facultât e à prodot 4130 fra laureâts e diplomâts, di chei 963 in Medisine e chirurgie. I docents, fra professôrs e ricercjadôrs, a son 115. Intai ultins dis agns la facultât udinese e je stade a cjâf de classifiche Censis des miôr facultâts di Medisine talianis par vot agns consecutifs, restant simpri fra lis primis cuatri.



L'intervent de retore Cristiana Compagno te cerimonie pai 25 agns di Medisine

cun Agrarie, Medisine veterinarie, Siencis) e Siencis motoriiis (in-

UN TIC DI STORIE

Il percors che al à puartât ae nassite de facultât al è scomençât intal 1964 cu la domande de sò istituzion de bande dal Ordin dai Miedis di Udin e lis primis manifestazions dal Comitât pe Universitât furlane dal-professore Tarcisio Petracco. Intal 1977, cu la istituzion de Universitât di Udin atîvât l'an seguitif, e je tornade a scomençâ la lote dal Comitât. La sò istituzion e je avignude intal 1982 cu la leç 828. Intal 1986 l'inviament uficiâl dai cors cu la prime lezion che si à tignût ai 10 di Novembar di chel an. Intal Lui 2006 un altri moment storic pe facultât: de fusion tra l'Ospedâl di Udin e il Policlinc universitari al nas la Aziende ospedaliere universitarie "Sante Marie de Misericordie".

terfacoltât cun Siencis de formazion) e i 7 cors di lauree trienâl des professions sanitariis: Edu-